

詩

益

詩辨序略

愚既作詩本傳次問及表復合前義集先儒舊解爲之辨
因敘其略曰凡講詩義分別舊解疑似可否惟先據本篇
詩人志能乃衷觀其前後篇推校聖人編次微意二者既
合而後斷之說詳大略漢唐及宋以後先儒舊說小序毛

鄭氏雖各有師授然或頗多所創制故或失之參及朱子
功在繼繼則辨其謬誤刪其附會支離以去其鑿然六藝

經籍之傳厥義浩博靡盡故自朱子已來尚多闕略於茲

近世學者因之滋益多議矣

說詳後文

卒之外錯謬惑紛紜爭

論莫知適從。而詩義幾亡。思故復合小序。毛鄭孔氏及朱子說。併旁採近代諸家。依附舊解。訂計朱子者。頗詳錄討論之。尤總後辨者。先凡而後目。所以明惑也。末雅歌義。左氏引詩錄。略著傳紀駁雜之論。庶幾合於孔子正樂之本。以附經義。例雖嚴而不詭於道。好學深思者。乃悟斯旨已。豈謂其言之過激哉。

詩益卷之十四

金壇後學劉

伯興

詩辨總

國風

周南召南

周南召南二十五篇傳解大意朱子與小序毛鄭氏異

者關雎葛覃卷耳草蟲采蘋行露殷其雷七篇

章句訓詁小別

者不在凡今增定者樛木何彼穠矣騶虞三篇復略從

小序毛鄭氏者殷其雷一篇餘竝從朱子其詳見後難

總曰大凡經義之傳也非積數千百年之久弗能明非

集後先輩儒之辨論弗能備故不賸三家

齊魯韓三家雖亡然其說

多數見

不知小序毛鄭氏舊解之爲善也

如二南正風三家乃以周

雖爲詩詩則餘說可知

不讀小序毛鄭氏不知朱子集傳之清切

而著明也近世有能紹述者酌其盡善補其闕遺庶幾
尊信朱子之功不唯其說之小有異同也

又曰朱子周南召南集傳說闕而未定者有四樛木美
文王一也羔羊殷其雷以下著南國諸侯大夫化及其
國之效二也孔子錄何彼穠矣衰周之詩三也騶虞終

歎美文王。與麟趾同。四也。若夫邶鄘衛以下。聖人編次。諸國風及雅頌之義。說皆闕之。今詳詩次。問及補言。故後辨不復著。何夜機矣。前夫子集傳曰。此武王以後之詩。下可約也。其何王之意。然文王太武之化。人百不衰。亦可見矣。定亦足以明聖人錄詩之意。但未達焉。定當耳。

邶鄘衛

邶鄘衛三十九篇。傳解大意。朱子與小序。毛鄭氏異者。首柏舟。日月終風。凱風。雄雉。匏有苦葉。北門。北風。靜女。桑中。考槃。氓。竹竿。有狐。木瓜。十有五篇。闕者。芄蘭一篇。今增定者。匏有苦葉。芃蘭二篇。復略從小序。毛鄭氏者。

日月終風二篇。餘竝從朱子。總曰。凡國風詩體有二。其一賢士大夫。與隱君子。及怨女棄婦。美刺時事。或自抒其情而作。其詩立義既深。而屬辭復婉。如衛風淇澳。碩人。宛有苦葉。邶兮谷風。氓之類是也。其一民俗歌謠之辭。其詩直少委曲。用意淺近。易曉。如衛風靜女。桑中。有狐。木瓜。及鄘扶蘇。蓀兮狡童。諸淫詩之類是也。他如衛風乘舟。鶉之奔奔之類。亦皆諷刺時事。而體類歌謠。不能一例。然依舊解讀之。辭義明白。決洽。故可信從。若以衛風靜女。木瓜。及鄘扶蘇。蓀兮狡童之屬。欲皆

倣以乘舟牆次之側而曲解之不亦謬乎。雖近代學者議紛紛，愚於此諸詩唯從朱子而不從序說也。

又曰：宋元以來學者，強持序義，誣計朱子，每謂聖人刪詩不宜錄取淫辭。

馬氏謂歷說近代學者多從之

愚謂其說不然。蓋國

風風俗美惡，必以其詩之貞淫爲驗。故二南美文王之化，首取桃夭、標梅、漢廣、行露、野有死麕諸詩，以其貞而不淫也。若鄭衛以下衰世之風，反是乃所以著其俗之壞也。若謂聖人不宜錄取淫辭，則二南又何以錄漢廣、行露、野有死麕諸詩乎？既以淫風之發明盛王之化，則

必以淫俗之熾著衰政之應其事雖反而其義實一也
鄭衛淫詩獨多者以其俗之尤壞也學者不察此義且
疑聖經爲錄淫詩之具而欲盡取而刪之馬氏端臨及
曾齊王氏語
亦謬之甚者矣

又曰學者又讀朱子集傳說凡男女奔誘而自作詩敘
其事者二十有四恐其人既爲此事豈敢自言以著其
惡故於衛風桑中鄭風溱洧等篇唯以序說刺奔者爲
合亦馬氏端臨
陳說如此愚謂此類民俗歌謠之辭皆由閭巷小夫
不識禮義習於淫惡略無忌憚或奔者自言其情或旁

觀者見其事而歌之皆未可定

此等詩即年者自言亦是明父相對時私歌其

情如止後乃洩於人耳豈故作詩自顯其志耶若旁觀代歌如里巷雜詠隨口吟咏語韻成文但歌其事而止無他深意也近日歌詩如黎民之哀夜夜之類亦多淫辭歌者非有所刺也古今詞體雖異而情事可推

但此詩既無悔悟之情而亦無諷諭之意此風俗所以

大壞也若使其人果能悔悟即近於二南之化行露野

有死麕所以著南國之美也

衛風諸淫詩唯氓篇有悔悟之辭然悔於色衰被棄

之後而不能悔於其初與二南行露野有死麕不同非淫奔者改行之詩也其他皆直敘淫奔之事言下絕無

悔悟識之

旁觀者果屬刺譏之作即為善政之應

意讀者詳之

堯所以著文公之績也此誠政治得失之驗民俗貞淫

之饗而不可或紊者作序者乃混合其義而解之

桑中
漆浦

蝦蟇等篇序立
作刺奔之詩

謬矣後儒猶不察而從其詒則又惑之

甚者耳

又曰鄭備諸淫詩不與雅樂同部朱子桑中篇辨說詳

矣朱子曰二南雅頌祭祀朝聘之所用也鄭衛桑濮里

巷狹邪之所歌也夫子之於鄭衛深絕其聲於樂以
爲法而嚴立其辭於詩以爲戒蓋不如是無以見當時
風俗事變之實而垂鑑於後世所謂道並行而不悖者
今不察此乃欲證其鄭衛桑濮之實文之以雅樂之名
又欲奏之宗廟之中朝廷之上未知將以爲之何等之
鬼神用之何等之賓客而於聖人爲邦之法豈不勝守
而陰叛之耶或曰荀卿所謂詩者中聲之所止大史公
亦謂三百篇夫子皆弦歌之以求合於韶武之音何耶
曰荀卿之言固爲正經而發若史遷之說恐未足爲據

也。豈有淫哇之曲而可以強合於韶武之音也耶。但未及左氏季札觀樂篇義。故馬氏端臨據之以論駁朱子。馬氏曰左傳言季札來吳請觀樂而所歌在邶鄘衛鄭皆在詩三百篇之雅樂矣。使其為里巷狹邪所囿則里巷之詩有之而音之義上亦安能求異國之詩乎。今詳後雅歌辨左傳條下。

王

王風十篇傳解大意。朱子與小序毛鄭氏異者。君子于役。君子陽陽。采芣苢。采芣大車。邱中有麻。七篇。今復從小序毛鄭氏者。君子陽陽一篇。餘竝從朱子。王風無其要旨已略具前條故也。役凡無說者同此例。

鄭

鄭風二十一篇傳解大意朱子與小序毛鄭氏異者將
仲子兩叔于田羔裘遵大路女曰鷄鳴有女同車山有
扶蘇稊兮狡童麥裳丰東門之墀風雨子衿揚之水出
其東門漆洧十有八篇今增定者將仲子風雨二篇復
從毛鄭氏者遵大路一篇餘竝從朱子總曰凡朱子論
闕舊說如鄭衛不入雅樂及直斥有女同車以下爲淫
詩朱子詩解其有功經學譬猶孟子之闢楊墨韓愈之
闢佛老蓋樂之貞淫卽人心風俗所繫而古今君臣之

名義尤不可以不正天下豈有以淫辭亂入雅樂而狂
且狡童之稱臣子而可以加其君父者小序毛鄭氏舊
解狂且狡童
爲鄭黨昭公
忽說詳後難此悖道之論與異端之害一也

又曰鄒風有女同車以下諸詩近代學者未嘗不知序

說之爲謬也然必曲解以成其義如文姜淫惡無可美

也曲解者曰詩非謂文姜謂忽復請妻者也孔氏疏及
范氏逸齊

說後來學
者因之詩曰有女同車舊說云假設來嫁之辭非詩

意矣說見
後釋曲解者曰同車非謂齊女又謂忽他所娶之

女也華谷廉氏
說詳後難狂且狡童國人固不可以稱君也曲解

者曰。非稱其君。謂祭仲也。范氏通齊說。詳後辨。然昭公時祭仲已

老。不可以謂之童。曲解者又曰。非謂祭仲。謂忽所用之

臣也。蘇華谷嚴氏說。詳後辨。凡此諸家。輾轉遷就。議論匪一。然於

義卒不可通。說併詳後辨。

又曰。作小序者。惟不解聖人錄詩之意。說已見前。遂疑此等

淫靡。謂有女同車以下。聖人不刪而著之於經。則於義無取。故

必曲爲之解。朱子力闢序說。去其謬誤。然於聖人之意

尚未及發明。朱子詳節。不雅衆說。如夫子之於鄭衛。立其擊於詩。以爲戒。不如此無以見

當時聖人作詩之意。已略著聖人錄詩之意。而後未推廣於經。聖人經六篇。備二風六義。略未議。後

來學者終疑此等淫詩但依朱子傳解惟覺義理淺薄
意思易盡且以賤鄙猥褻淫亂之辭聖人或宜例著一
二以示戒乃鄭衛諸風錄之如此其多誠不解所謂衛
淫風次第義故諸家聚訟於此尤甚且有謂前輩未了
見詩次補公案者王氏伯厚方此又近代學者不信朱子曲從序
氏萬里章說之私意也故恐謂讀詩之法惟先講明聖人之意然
後可以斷詩人意耳

又曰近代學者記詩之病有二其一尊信小序者不知
去小序之誤而存其真惟欲強持序說辨駁朱子雖義

理有所未安而必曲爲之解以成其說

此其

其一尊信

朱子者徒泥朱子之說而不求其通夫朱子之功在辨

別本篇詩解明白清切然後聖人編次垂訓之意乃有

依據可議

如衛風首柏舟篇駁去小序謬解然後衛風首莊姜詩之義乃明鄭風有女同車以下詩

其爲淫奔之詩然後聖人編次鄭風以爲垂戒之義乃明餘詩多同此例但朱子意在刊去

弊病而不顧其他故立說之初義有未備

如論鄭衛不入雅樂而未

辨明左氏季札觀樂篇說又未詳著聖人編次鄭衛淫詩之義說並已見前

且其攻訐小序

容有出於不得已而激而或過者

此見後衛風綠衣篇辨下

後來學

者不能觸類引伸以補其義乃惟誦習章句株守成解

便謂尊信朱子。不知拘泥若此。不惟無以發明朱子之意。而反滋辨論者之口矣。此病學者不可不知也。

齊

齊風十一篇傳解大意。朱子與小序毛鄭氏異者。鷦鷯還著東方之日。甫田。盧令。敝笱。鵲巢。八篇。今增定者。甫田一篇。開時世說者。鷦鷯。東方未明二篇。餘並從朱子。

魏

魏風七篇傳解大意。朱子與小序毛鄭氏異者。葛屨。汾沮洳。十畝之間。伐檀。碩鼠。五篇。今並從朱子。

唐

唐風十二篇傳解大意朱子與小序毛鄭氏異者蟋蟀
山有樛櫚穆林杜無衣有林之杜葛生采苓八篇關者
羔裘一篇今增定者蟋蟀山有樛二篇復從毛鄭氏者
羔裘一篇餘竝從朱子

秦

秦風十篇傳解大意朱子與小序毛鄭氏異者車鄰駉
騶虞終南晨風無衣權輿七篇今增定者車鄰一篇
復從小序毛鄭氏者駉騶終南權輿三篇餘竝從朱子

陳

陳風十篇傳解大意朱子與小序毛鄭氏異者。宛邱東門之枌衡門東門之池東門之楊防有鵲巢月出澤陂八篇其朱子從闕而今復從小序毛鄭氏者。墓門一篇餘竝從朱子。

檜

檜風四篇傳解大意朱子與小序毛鄭氏異者。鴈有甚楚匪風二篇今匪風篇復略從舊解餘從朱子。

曹

曹風四篇傳解大意朱子並易小序毛鄭氏義今略從
小序毛鄭氏者蟬蛻一篇餘從朱子。

幽

幽風七篇傳解大意朱子易小序毛鄭氏義者七月東
山破斧伐柯九豎五篇今略從小序毛鄭氏者七月一
篇餘從朱子。

小雅上

小雅上三十六篇除笙詩六篇無辭外其傳解大意朱
子易小序毛鄭氏義者魚麗南山有臺蓼蕭菁菁者莪

汜水鶴鳴黃鳥我行其野八篇其自首鹿鳴以下及後
鴻鴈以下諸篇朱子闕時世說與舊解不同今增定者
采薇出車杕杜三篇復從小序毛鄭氏時世說者鴻鴈
至無羊十篇餘竝從朱子總曰凡雅皆天子之詩也故
上陳王迹之興始自后稷至于文武下逮宣幽今鹿鳴
以下至菁菁者莪二十二篇既冠小雅之首則其爲天
子燕飲樂歌之詩而非諸侯以降所得通用之詩明矣
諸侯饋歌雅詩
記詳後惟歌雅况如湛露彤弓二篇天子所以饗有功
諸侯有左氏春秋傳說可據常棣一篇天子燕兄弟而

作左氏內外傳說略同。

武謂作于周公。或謂作于召穆公。然其爲天子燕兄弟詩一也。

而采薇出車二篇以本篇詩文證之又爲周宣王時事餘雖未有考據然其詩皆剛次常棣采薇出車湛露彤弓之韻又冠六月采芑宣王詩之上以例推之其並爲天子之詩甚明。夫子曰雅頌各得其所。若二雅既列文武以下宣幽以上凡周天子之詩復雜諸侯以隆上下通用樂歌之作則其義駁而難辨何謂各得其所乎。凡記載傳聞異辭如左氏春秋傳及儀禮所稱不能一例然其義可推而曉也。說詳後雅歌辨。

又曰。凡雅詩有二體。其一爲朝會祭祀燕饗樂歌而作。其詩專言燕饗不及時事。如小雅首鹿鳴以下二十七篇。後楚茨以下十篇之類。蓋皆當世樂歌所用。孔子采而編次之。其作之時世。多可考。其一項美周先王先公之詩。或復刺譏時事。如小雅六月以下。大雅文王大明。及板蕩以下之類。其詩足以明周道之盛衰。王政之得失。漢唐時學者。惟誤解小雅鹿鳴楚茨以下。朝會祭祀燕饗樂歌諸詩。與大雅文王大明。小雅六月采芑之類。強作一例。遂謬分時世。以小雅鹿鳴以下爲文

武時詩。楚茨以下爲刺幽王詩。而附會繁縷之論。其紛
矣。宜乎朱子之不從其說也。

又曰。大雅歷陳后稷公劉大王王季文武成王之詩。以
下逮厲宣。而小雅六月采芑節南山正月以下。唯著宣
幽之詩。此所以小雅繼大雅也。說詳詩大問。小序毛鄭氏求其義不得。遂

曲爲之解。分首鹿鳴以下魚麗以上爲文武時詩。南有

嘉魚以下爲成王時詩。朱子辨其謬妄而削其說。其論

正矣。

見朱子小序辨說。

然小雅不著宣幽以上之詩。其義終不

可曉。故疑鴻鴈以下爲非宣王時詩。節南山以下爲非

幽王時詩而小雅之義多闕矣。今既發明小雅繼大雅之旨，復詳著聖人編次諸詩之意，以補朱子傳說之闕。則凡小雅之疑義，渙然釋矣。朱子疑鴻鴈節南山等篇爲非宜處詩，說詳後錄。

小雅下

小雅下四十篇傳解大意。朱子易小序毛鄭氏義者，雅歌詩楚茨以下至鵲葉十五篇外，尚有小宛無將大車小明賓之初筵都人士采芣白華蟋蟀八篇，而節南山以下至末，皆闕其時世。今自節南山以下，從小序毛鄭氏時世說，諸雅歌篇義，並從朱子。唯楚茨至大田四

篇則略有增定說同前鹿鳴以下楚茨至大田四篇既

與騶洛褒華諸篇同列其爲美天子國次幽王詩之闕又祀事之詩甚明辨同前鹿鳴以下餘說見上

大雅上

大雅上十八篇傳解大意朱子與小序毛鄭氏異者大

明棧樸旱麓靈臺行葦既醉鳧鷖假樂八篇今說並從

朱子唯靈臺一篇則略增定其義總曰小雅以朝會祭

祀燕饗樂歌諸詩與宣幽時詩相間而次設詳詩蓋其

義始於大雅故生民公劉之風次以行葦既醉鳧鷖假

樂四篇學者悟此四篇間次之義即知小雅楚茨以下

諸篇。刪次幽王詩之閒。亦是一例。皆聖人寓意如此。而非錯簡矣。

又曰。禮經亡闕久矣。今所存者。唯什之二三。中間又爲諸儒所亂。撮拾補葺。真偽雜出。莫可考據。若夫三百篇。則三代之遺文也。其大義所垂。較之禮經。爲可徵信。故學者宜據詩以斷禮。不當援禮以疑詩。如小雅甫田。祀方社田祖。大雅生民郊祀。行葦燕射諸說。皆當折衷詩意。以考禮經之異同。而存其義。俟後之君子。國風召南采芣夫人助祭首服。衛于旌大夫旂制並同。說詳後辨本篇下。

大雅下

大雅下十三篇傳解大意米子與小序毛鄭氏異者民
勞板抑三篇其於高烝民韓奕三篇則略有不同今說
兼小序毛鄭氏及朱子傳義者民勞板二篇其抑篇則
復從序說。

周頌

周頌三十一篇傳解大意米子與小序毛鄭氏異者維
天之命維清烈文天作昊天有成命執競臣工噫嘻猗
絲衣十篇闕者殷一篇今略增定者清廟執競豐年酌

桓賚般七篇復從序說者絲衣一篇餘並從朱子

魯頌

魯頌四篇傳解大意朱子與小序毛鄭氏異者駁有駁
泮水三篇蓋朱子唯不取小序餘行又請命於周史
克作詩美魯僖之說故其等義多闕今並從小序

商頌

商頌五篇傳解大意朱子與小序毛鄭氏異者烈祖立
鳥長發三篇今略增定者立鳥長發二篇蓋唯據本篇
詩意及商書說折衷之存其義俟後之君子已上辨總

一卷略且後辨大凡。而先撮其要旨論之如此云。

詩益卷之十四終

詩經卷之十五

金壇後學劉始興

字子彥一
字韶江

集

詩經辨

國風

孔氏疏曰。國風。古大師所題。或又謂孔子所加。二者今
未有考。但所謂風者。取上感下應之義。如周南上有關
雎。葛覃。卷耳之化。下曉天兔。且若苕蓐之。邶鄘衛上有
柏舟。綠衣之化。下凱風。谷風。應之是也。此惟合全詩前
後篇編次之義。推之。乃得其解。非祇在一篇也。小序毛

鄭氏及朱子說並未明揭斯旨故今補之詳見本傳及詩次問

班固曰古有采詩之官先儒又有大史采詩之說此與王制大師陳詩事相表裏辨已見詩次問蓋列國盛代之風今皆無傳謂當時采之而後世盡亡之既恐無是理而此鄭衛以下衰世淫亂之辭其傳獨多豈當世諸侯肯自采其詩而播之天子之國以著其惡耶愚謂此類皆所不可通學者闕之可也朱子集傳亦云諸侯采列於樂官蓋亦從周有說而未改正耳

次際鄭氏曰風有正變仲尼未嘗言而他經不載焉獨
出於詩序皆以美者爲正刺者爲變則邶鄘衛之詩謂
之變風可也緇衣之美武公駟騶小戎之美襄公亦可
謂之變風乎愚按先儒國風正變說恐非聖人編詩本
意故夫子不言而他經亦無所見第在國風於義尚無
害故今仍舊唯二雅則有不可通者說詳見後至變風
內亦有美詩蓋衰世非無善政而末俗亦有貞行也序
以變風皆刺說固失之鄭氏又疑美詩不可謂之變風
論亦大拘。

橫渠張子曰詩固有次第然不可一例唯二南後次衛
衛後次王此有意若非以衛分之則王無異於正風也
愚按橫渠說如此夫十三國風首二南終幽豈得謂聖
人無深意於其間哉齊唐秦皆大國而後於鄭魏陳趙
曹皆小國而開次於齊晉諸大國之間固必有義不唯
二南衛王之次已也今朱先儒說唐孔氏朱陸陸歐陽
氏程子皆有國風次
解參合推廣之以補朱子傳解之闕詳詩次問

朱子曰詩序之作說者不同或以爲孔子或以爲子夏
或以爲國史皆無明文可考唯後漢書儒林傳以爲衛

宏作毛詩序。今傳於世。則序乃宏作明矣。然鄭氏又以爲諸序本自合爲一編。毛公始分置諸篇之首。則是毛公之前。其傳已久。宏特增廣而潤色之耳。故近世諸儒。多以序之首句。爲毛公所分。其下推說云云。爲後人所益。理或有之。蓋公序云云。以序首句爲國。今按詩序中。下文云云。毛氏所衍。閒實多牽合穿鑿之論。如朱子所議者。若使果作於聖人之徒。及當代國史。卽不宜有此。故以爲出自漢儒。犬略近之。史記拾遺錄。無世宗。序卽從闕疑作。序者。或與司馬遷同時。或在其後。餘說不足據也。至諸序每篇文義一貫。又有首句絕不符詩意。必待

下文云云始明者如周南漢廣檜曹陽有萇楚鵲鳩之類。漢廣序云。德廣所及也。文王之道。被於南國。美化行乎江漢之境。無思犯禮。求而不可得也。陽有萇楚序云。疾志也。國人疾其君之淫志。而思無情慾者也。鵲鳩序云。刺不登也。在位無君子。用心之不查也。凡序頗有此諸儒乃以序首句與下文截出兩手。亦恐有未然者矣。

朱子辨序說大旨曰。凡小序唯許文明白直指其事。及證驗的切。見於書史。如甘棠定中載馳碩人清人南山黃鳥株林之屬。決爲可無疑者。其次大概知爲某事。而不可知爲某時某人者。尚多有之。爲小序者。

姑以其意依約而言。雖有所不知。亦不害其爲不自欺。今乃不然。不知其時者。必強以爲某王某公之時。不知其人者。必強以爲某甲某乙之事。于是附會書史。依托名誼。鑿空妄語。以誣後人。且如柏舟。不知其出於婦人。而以爲男子。不知其不得於夫。而以爲不遇於君。此則失矣。然有所不及。而不自欺。則亦未至于大害理也。今乃斷然以爲衛頃公之時。其故爲欺罔。以誤後人之罪。不可掩矣。凡小序之失。以此推之。十得八九。又其爲說。必使詩無一篇不爲美刺。時君

國政而作其或書傳所載。偶無賢君美諡。雖詞之美者。亦例以爲陳古刺今。使讀者疑當世之人。絕無善則稱君。遇則稱已之意。一不得志。則扼腕切齒。以對其上。尤有害於溫柔敦厚之教。故不可以不辨。按朱子此條。舊在衛風柏舟序後。今以其統論序說大旨。故節錄于此。其有辨者。見後衛風綠衣篇。及散著各篇下。凡小序毛鄭氏舊解。朱子已經辨正。而今不從之者。固可希錄。但緣近代學者。或復堅持序說。論駁朱子。故詳引申辨之如後。

朱子集傳曰武王崩成王立周公相之制作禮樂乃采
文王之世風化所及民俗之詩說與鄭譜異鄭譜謂采
詩在武王時二者不可考闕之可也惟二南有何彼禮
矣衰周之詩其編次又在陽處篇前可知此二十五篇
先後次序非復同公當日采詩本第而所謂著文王之
化自家而國自國而南者義皆出自孔子而三百篇從
可側推矣

關雎

序說關雎樂得淑女以配君子憂在進賢不淫其色哀

銘寔思賢才而無傷善之心焉孔氏疏因謂后妃樂得

此賢善之女以配文王程子曰配惟后妃可稱后妃自

是配更何別求淑女以為配今按好逑之稱惟后妃足

以當之其他妾媵不敢居也程子說極明曉故朱子集

傳改小序義詳見本傳但朱子云文王宮中人作此詩

或又云作於畢公其說得之張超又謂得之蔡邕

見王氏惠

難考異及遠此類無可考闕之可也後詩多同此例

此

篇毛傳云言言記有焉莊之德是出問貞專之善女貞

為君子之好也與字說小異略同朱子傳解蓋孔氏

疏也講毛意從庄義云式謂朱子集傳解本毛氏說或然歟

待車

序說后妃在父母家志在於女工之事躬儉節用服澣濯之衣呼敬師傅可以歸安父母化天下以婦道也毛鄭氏推衍其說遂謂詩首二章言后妃在父母家時事末章言告言歸乃及后妃嫁時歸寧父母又言既嫁歸寧如此則末章無歸字上下異義橫決不成文理矣又首二章亦非言在父母家事故朱子不從其說但玩此篇詩意乃后妃將歸寧時所作詳見本傳若第二云后妃既成締結賦其事朱子集傳云云則如首二章云云其意已盡

末歸寧節爲新語矣故復增補朱子之義。

卷耳

序說后妃輔佐君子求賢審官知臣下之勤勞義本左

氏春秋傳

詩經引

毛鄭氏舊解同

後凡毛鄭氏舊解與序說同者惟錄序說

其有異義則附及之

今按廬陵歐陽氏曰婦人無外事求賢審官

非后妃之職

漢書氏本序說但據此二語已足序不可通故節錄之

朱子曰詩曰

嗟我懷人其言親昵非后妃所得施於臣下者以此推

之序說洵無理不可從左氏春秋傳云云蓋新章借義

而非詩之正解也今從朱子集傳說詳見本傳。

穆木

序說后妃逮下也言能逮下而無嫉妒之心焉。朱子集傳大意略同。今按此篇詩曰樂只君子。君子謂文王也。毛鄭氏傳解如此。夫關雎篇君子既稱文王則此篇之義同耳。毛鄭氏解是也。朱子集傳君子指后妃云猶言小君也今從毛鄭氏解較直義明自讀。但序說美后妃逮下而毛鄭氏因以詩首二句穆木下垂與后妃逮下意然祇是借喻尚未顯說下文逮言樂只君子忽不及后妃而言文王則其義晦而難明矣。故今酌易篇意以增補朱子之義。

螽斯

序說后妃子孫衆多也言若螽斯不妒忌則子孫衆多

也朱子集傳大意略同但毛鄭氏此篇作興體爾子孫

謂后妃子孫首章振振云仁厚也

與麟趾篇振振義同

朱子集傳

此篇作比爾子孫謂螽斯子孫首章振振云盛貌二者

之義爲異今按文王后妃子孫雖衆然唯其賢所以足

美使多而不賢誠何足美乎故詩首章先言振振二章

三章後言繩繩蜚蜚也毛鄭氏義得之詳見本傳文王

后妃稱爾者周公作冊告三王亦稱爾古人言質故也

至序云若螽斯不如忌此在尋常婦人或以爲難而在聖母則亦常德耳。曷足稱述焉。故今削其說。

桃夭

序說后妃之所致也不如忌則男女以正。婚姻以時也。朱子集傳作美文王之化。而以序說祇言后妃不及文王爲非理。見集傳及小字詳說餘大意同。今說詳本傳。後凡序說及毛鄭氏朱子傳解太意略同。而今從之無異義者。不復著。

又案毛傳據孔子家語及孫卿說云霜降逆女。冰泮

殺止昏禮以秋冬爲期而鄭氏據夏小正周禮白虎

通義

夏小正曰二月綏多士女周禮媒氏曰仲春令
會男女奔者不禁司男女之無夫家者而會之

昏禮以仲春爲期二者先儒未有定論今以禮經殘
闕無可復考依朱子用鄭氏說後召南標有梅同。

兔耳

序說后妃之化也朱子集傳改同上今說詳本傳。

朱芑

序說后妃之美也朱子集傳改同上今說詳本傳。

麟趾

詩曰麟之為靈。詠於詩。書於春秋。繫諸傳。繫諸書。繫諸春秋。此與體也。未曰于嗟麟兮。歎美麟。而歎美文王之意在言外。則又屬比體矣。然首二句。與中原有比義。蓋以麟趾比文王公子之仁厚。實以麟比文王。已包得末句義在。又凡詩興體。必兼比義。不唯此篇爲然也。但對舉爲興。喻言爲比。文體自有分別耳。說見樛木傳後。讀者詳之。

召南

采芣

詩末章曰。被之僮僮。夙夜在公。被之祁祁。薄言還歸。毛

傳被首飾也鄭氏箋引儀禮少年文云主婦髮髻孔氏

疏云箋引少年之文云主婦髮髻與此被爲一此周禮

所謂次也周禮追師掌王后之首服副編次

鄭氏周禮註夫次第

髮長短爲之所謂髮髻也

諸侯夫人於其國與王后同夫人助祭首

服副非被所當配故鄭氏解在公爲視濯非正祭之時

以上約孔氏

疏說如此今按被之爲言恐是首服之通名故毛傳

唯云首飾而不詳其制夫人助祭應用副則此被疑卽

是副鄭氏因被髮音近故以被爲髮髻且疑非正祭之

服而曲解在公之義以成其說愚謂此篇旣言祭祀於

終之事

集傳云祭又祭畢還於

豈反不及正祭者禮文殘闕先儒

多用私意輾轉相釋而非有明據

禮記通考王后前

少牢本文云主婦使婢

服不見被各而後禮

幾壇因以被為被皆鄭氏以意輾轉相釋而未有明

據也故朱子集傳此條與後風君

子偕老篇訓義同解而不從鄭說今當以義通之未可

過泥也

耳蟲

序設大夫妻能以禮自防也朱子曰詩中未見以禮自

防之意集傳南國大夫行役在外其妻獨居感時物之

變而思其君子如此今從朱子集傳說詳見本傳

詩

卷十五

詩雅辨

十

采蘋

鄭氏箋因詩言祭祀用蘋藻與禮記昏義說相近遂云

女子教成之祭

昏義云古者婦人先嫁三月祖廟未毀教於公宮祖廟既毀教於宗室教成之

祭牲用魚毛之以蘋藻

今按昏義教成時女尚在父母家祭祀即

當以父母為主今詩遂言少女主此祭而不及母

詩曰誰其

尸之有

恐非禮之正矣故依朱子集傳削之

又按鄭氏云祭事主

婦教成之祭更使少女者成其婦體也亦是曲說無理不可從

行露

序說召伯聽訟也今按此篇序說蓋緣前篇甘棠之義

而曲解如此。孔氏疏因謂篇中二章三章皆男女對訟之辭。鄙陋甚矣。故朱子削之。今從朱子。詳見本傳。

歆其德

序說召南之大夫。遠行從政。其室家能閔其勤勞而勸以義也。朱子集傳。但云婦人而不言其大夫妻。今按羔羊。殷其雷。標有梅。三篇。若南國大夫之化。與小星江有汜。野有死麕。三篇。若南國諸侯之化。義相對。詳見詩次。同此篇宜從序說作大夫妻爲合。所謂以聖人編次之義。而斷本篇詩意者。說已見前總辨。

羔羊殷其雷以下六篇。一著南國大夫之化。一著南國諸侯之化。義理最爲完密。蓋南國諸侯大夫。被文王召伯之化而能修身齊家以化其國如此。說見詩次問。光儒舊解未發明此義。但云南國之人。被文王召伯之化而已。則是南國諸侯大夫皆覲然尸位。一無政教之及於民。而國非其國矣。寧有是理耶。

小星

詩首章曰。嘒彼小星。三五在東。毛傳。三心五噏。今按下章實指星名。曰。經參與昴。而首章但云三五。則非星名。

可知。朱子集傳三五言其類蓋初昏或將旦時義較舊
解爲差故今從之。或曰三五卽謂參昴也。天文志參三
星昴七星或六星蓋參星體大易見而昴宿微密難察
故初昏或將旦時參見其全昴則先見其差大者而已。
說亦可通存之。或又曰參連肩股與伐亦不止三星此亦是先見大者耳亦通。
何彼禮矣

序說美王姬也。朱子集傳舊說平正也。武王女文王孫
或曰平王卽平王宣白齊侯卽襄公諸兒事見春秋。未
知孰是。今按詩曰平王之孫齊侯之子其爲衰周時詩

明有據驗矣。毛鄭氏舊解。不足據也。就詳本傳及詩次
問。朱子集傳云舊說。
卽毛鄭氏舊解也。

騶虞

序說。騶虞之應也。朱子集傳。南國諸侯。承文王之化云
云。今按。四南末篇。此篇曰。于嗟騶虞。召南末此篇亦曰。
于嗟乎騶虞。皆所以比美文王也。兩篇辭意相類。故孔
子並繫二南之末。終篇款美文王之意。此亦所謂以聖
人編次之義。諸本篇詩意者。序說誤作騶虞之應。毛鄭
氏因以爲美南國諸侯之詩。朱子集傳未辨正其義。如

依此解則召南終以此篇既與周南未踰趾篇不相磨
復上承何彼穠矣東周之詩其義益隔絕不可解矣後
說誰誤解此篇以前篇義理隔絕故前篇詩文雖有明
據亦不敢質今以然則篇比之並作美文王詩則本篇
詩意與孔子編次之義
融洽通曉矣讀者詳之

邶鄘衛

邶鄘衛三十九篇皆衛風也今其詩分屬三國先儒說
不同其大略有三一曰以其作者難之如作于邶人邶
人爲邶鄭作于
衛人一曰其采得之時有異如采于邶鄭爲邶
爲衛一曰其

有邶音鄘有鄘音衛有衛音今按邶風起莊姜詩而終

于宣姜。鄘風起宣姜惠公詩而終於文公。如以其作者為辨。豈宣姜以上其詩皆作于邶人。而惠公以下復作

於鄘人耶。又如兩柏舟。泉水。載馳。河廣諸篇。皆夫人衛

女作也。而分屬三國。又豈得謂三國人作耶。此義之不

可通者。以此篇之采得之說亦未可據。

禾詩分國。詳同上條。若夫

聲樂之傳。其亡已久。今無以考信。然宣姜惠公以前皆

屬邶音。而其後則為鄘音。又同一夫人衛女作也。而其

音有三國之異。說亦豈可強通乎。愚讀左氏春秋傳季

札觀樂篇。其國風王鄘以下。皆分歌之。

傳曰。為之歌。王為之歌。鄘之類。

唯二南與邶鄘衛則合歌

傳曰爲之歌周南召南爲之歌邶鄘衛

而邶鄘

衛並稱衛風

傳曰爲之歌邶鄘衛曰是其衛風也

可知此三十九篇本合

而未嘗分也

又卷二十一 年左傳此宮文子引首柏舟篇或儀休休不可遷也二語直稱衛詩而

不稱邶詩其不分屬邶風可知

以上說並詳後左氏引詩錄 左氏書雖有附會然其

所仍尚存孔子之舊蓋國風篇唯衛詩獨多孔子以其

編簡頗繁故分而爲三

古者書用簡策篇數大多即不相不分

其實卷分

而國未分也衛詩冠邶鄘者明衛爲亡殷故墟而又三

監之舊封也故冠之邶鄘孔子所以傷殷之亡此特起

之例不與他國風同稱所以別之也

說詳詩次同及補意 後之學

者見衛詩分三卷復冠邶鄘衛三國名於前遂以其詩
分屬之非孔子之本也周南召南並味文王之化故左
氏春秋傳皆合歌美魯邶鄘衛也然二南雖分而不害
於義今姑從之若衛詩分三國則失聖人編次之意而
其義有所不可通故分上中下三卷並冠以邶鄘衛復
孔子之舊云

邶鄘始封考漢書地理志云周既滅殷分其畿內爲三
國詩邶鄘衛是也邶以封紂子武庚鄘管叔尹之衛蔡
叔尹之以監殷民謂之三監武王崩三監叛周公誅之

盡以其地封康叔。號曰孟侯。以來輔周室。遷邶鄘之民於洛邑。故邶鄘衛三國之詩同風。鄘康成詩譜云。武王伐紂。封紂子武庚爲殷後。三分其地。置三監。使管叔蔡叔霍叔尹而教之。自紂城而北謂之邶。南謂之鄘。東謂之衛。武王既喪三監。導武庚叛。成王既黜殷命。殺武庚。復伐三監。更於此三國建諸侯。以收餘民。封康叔於衛。使爲之長。後世子孫。稍并彼二國。今按漢書及鄭氏詩譜。並謂邶鄘三監舊封。惟三監有霍叔。及成王續封邶鄘。鄭氏說與班氏不同。班氏作漢書。在鄭氏前。其說較

可徵信。漢大儒賈逵、馬融及晉杜預、左氏春秋傳註皆

從之。

左氏春秋傳及史記述三監事皆有管蔡而無霍叔。惟晉代後出古文尚書蔡仲之命篇乃有霍叔。

或恐後人爲托反依鄭謚爲疑。亦未可定。

但考尚書康誥、酒誥二篇，康叔乃

武王時所封。蔡氏註說辯論頗詳。酒誥曰：「明大命於汴

邦。」武王詰康叔稱汴邦而不稱衛，或康叔所封在武王

時，因號汴。至成王誅武庚後，併三監地盡封康叔，乃名

衛也。康叔既與武庚管蔡並封，武王時或當在三監封

內，但今無明據可考，未敢強附爲說耳。

定四年左氏春秋傳云：「成王封康叔，命以康誥。」與蔡

氏尚書註說不合。今按尚書康誥本文稱王若曰稱
孟侯稱弟。又自稱寡兄勗。其爲武王誥康叔語甚明。
若謂成王誥康叔卽不宜稱寡兄稱弟。謂周公代成
王作誥復不宜稱王。若曰蔡氏註說確可徵信。但春
秋傳復云成王封康叔命以康誥者。蓋武王作誥後。
成王旣滅三監復封康叔其時亦當作誥。春秋傳所
稱是也。故傳又言成王封唐叔命以唐誥。唐誥今亡。
其書則可知傳所稱乃成王復封康叔時所作之誥。
與唐誥並亡。非今書所傳武王誥也。

柏舟

序說仁而不遇也。衛頃公時，仁人不遇，小人在側。朱子
辨說略已見前。集傳列女傳以此爲婦人之詩，考其辭
氣卑順柔弱，且居變風之首，而與下篇相類，豈亦莊姜
之詩也。與今按詩二章，曰亦有兄弟，不可以據。薄言往
來，遇逢彼之怒。洵婦人語也。序說與詩意不合。朱子辨而
削之，善矣。又衛風首莊姜詩，聖人編次，確有深意。詳見
詩次問。今緣衣以下四篇，既皆爲莊姜詩矣，則柏舟一
篇在其前，辭意復與緣衣相類。說見本傳其爲莊姜詩，盡可

信朱子集傳論號未質。而從之可耳。近代學者不顧義理。唯欲曲從舊解。如華谷嚴氏輩。旁引孔叢雜說云。非婦人之作。或復援朱子四書集註爲疑。其亦謬之甚矣。宋元以來學者。多曲從小序。辨駁朱子。今如馬氏端臨說。已略見前卷。辨每篇下復摘一二著者論之。不能悉錄也。

華谷嚴氏曰。孔叢子載孔子蒨柏舟見匹夫執志之不可易。則非婦人之詩也。蔣氏仁叔曰。此篇小序。殊傳極貶之。然孟子引詩憂心悄悄。愠于羣小。集註仍用序說。朱子四書工夫尤精密。當從集註爲定。愚謂

孔叢雜說與詩意不類乃是沿襲當時講師訓誥之
謬非真聖人語也至朱子孟子集註蓋亦作於詩傳
之前而未及追改故其異義如此朱子四書集註序
雖在作詩序後朱子詩傳序作于淳熙四年大
學章句序作于淳熙十六年然其
註孟子或在詩傳前亦未可定又凡解詩唯取義理
明白耳豈必拘一人先後異同之論以爲疑哉

緣衣

序說衛莊姜傷已也姜上僭夫人失位而作是詩也朱
子集傳莊公惡於嬖妾夫人莊姜賢而失位故作此詩

又曰此詩無所考。姑從序說。下三篇同。今按衛風三十
九篇。序說及毛鄭氏舊解。自朱子改闕十餘篇外。詳前
總覽其既已明白。當信從者。則必有傳授。無可復疑矣。朱子
傳說云云。今斷從之可也。後凡此類不復著。

或疑朱子論詩。唯取詩文明白。直指其事。及他書有
證驗者。如甘棠定中載。馳碩人。清人南山。黃鳥。株林
之屬。而後信之。說詳
見前其詆序說。毋乃已甚。而爲例不

亦大嚴乎。愚謂朱子此論。亦有說焉。蓋漢唐以來。諸
儒其信從小序也久。凡小序附會穿鑿之病。其溺人

也深故辨之不可以不力而詆之不可以不嚴此朱子之論激而或過非得已也但作小序者去古未遠其說雖多所附會然得之師傳授受者亦不少今唯以詩意爲斷其不合詩意者卽知其出於穿鑿附會而削之而其合者卽知其出於師傳授受而從之固不必皆詩文明白及有證驗者而後信之也且卽以證驗言之如二南甘棠篇旣明白有證驗矣則凡甘棠之前後篇其義可推而曉也衛風定中載馳二篇亦明白有證驗矣則凡定中載馳之前後篇其義可

推而曉也。如二南惟推甘棠篇美召伯。則所謂周公
召公行文王之化者。說可推而曉。衛風惟
據定中載馳爲文公復國之詩。則前此莊姜
宣姜諸詩。亦可逆推以明餘詩。並從此例。二南卽
以甘棠篇爲證驗。衛風卽以定中載馳篇爲證驗。自
一篇推之前後篇。自前後篇推之全詩。既證以本篇
詩意。復證以聖人編次之義。則凡詩皆有證驗。而其
可疑者絕少矣。三百篇之傳於天下後世也。其義不
亦較然大著也哉。

日月

序說衛莊姜傷已也。邶州吁之難。傷已不見答於先君。

今按此篇序說與朱子集傳略同

朱子集傳莊姜不見答於莊公故呼日月

而訴之

但序以其次燕燕後爲莊公死後之作故云邶州

吁之難以推原之今詳玩篇意序說不可易也

詳下篇辨後

或疑莊公既死姜氏不宜復言其非故朱子云德音無

良非施前人語

朱子辨序說曰詩言寧不我顧曾有望之意又言德音無良非所宜施于前

人者今不從序說爲合恩謂莊姜雖賢亦衰世婦人其感

激痛悼之難或不能無過然莊公當日寵嬖奪嫡其待

姜無禮必有已甚者今篇中但曰逝不古處德音無良

云云雖有嗟怨之語而實無傷怨之意又如姜所云亦

祇謂其夫待已如此耳。未嘗顯詆莊公之爲人也。解見本傳
又朱子曰。詩言寧不我顧。猶復何疑死後之不可有是
有望之之意。說亦其本傳。
言哉。

終風

序說衛莊姜傷已也。道州吁之暴。見侮慢不能正也。朱

子曰。詳味此詩。有夫婦之情。無母子之意。今按朱子辨

說善矣。近代學者。或疑篇中辭意過激。非婦人事夫忠

厚之道。故欲復從序義。

詩氏仁叔曰。終風且暴。搖浪笑。敖等語。明斥其人過惡。與綠衣

燕燕二詩。辭意迥絕。竊意此語施之州吁則可。施于莊公則不可。和氏仲異曰。此詩爲母憂子。則謂之賢母。爲

篇大則
傷于起。不知州吁雖姜氏庶子。然祇桓自立。乃國之

亂賊耳。今詩乃云。顧我則笑。謔浪笑放。又云。惠然肯來。莫往莫來。悠悠我思。則姜爲何如人哉。如此悖謬不通之論。諸儒不察而欲從之。其亦不思甚矣。又篇中雖有刺莊公語。然以終風爲比。非直斥之辭。卽日過激而未傷怒。不得謂失忠厚之道也。

合觀莊姜詩。日月終風二篇。與前柏舟綠衣辭意似不相類。蓋以當日情事論之。柏舟綠衣。莊公生前之作也。日月終風。莊公死後之作也。莊公生前。姜氏雖

不見答。然當國家無事之時，未有流離失所之患。故其所作之詩，從容諷刺，辭意婉曲。柏舟則委罪於羣小，綠衣則借喻於物類。其意近於和平溫厚之旨，所謂怨而不失其正者。及莊公既殯，桓公見弑，戴媽被逐，國家既遭亂離之禍，姜氏目擊心憤，追怨莊公，故其言比柏舟綠衣稍爲激直，而非怨之正矣。惟其非怨之正，故聖人繫此二篇於燕燕之後，明其所以作詩之由，而不與柏舟綠衣同次。此亦聖人編次之微意也。或疑日月終風二篇，祇述其夫亂慢于已之意，而未及國家禍亂之事。然日月日父分母分，皆

我不卒。終風曰。噎噎其陰。危危其雷。窮言不寐。願言則懷。則其傷亂之情亦可見矣。蓋聖人於

變風之詩。第以著政治得失感應垂戒之理。詳詩而

非但用爲和平敦厚之教。故雖鄭風之淫而猶錄之。

今衛風首莊姜詩。所以明衛亂之因。見詩大序若其感憤

時事有激而言。亦人情之常。第不失忠厚之意。卽爲

止乎禮義。豈必其盡出於和平溫厚。比二南盛世之

作。然後見錄於聖人哉。朱子諸篇傳解。較舊說實爲

清切。但未明著聖人編次之意。姜氏作詩之由。復疑

日月終風爲莊公生前之作。欲改易篇次。云宜在燕

燕前見朱子小序辨說及集傳後來學者或滋異議如蔣氏仁叔

郝氏仲輿輩必欲曲從序義而仍其篇第蔣氏云若又片說而

欲更置此二篇于燕前孰若只從序說而無害辨於義乎又曰三百篇篇次先後已定何必改易

論紛紜聚訟滋甚而聖人之經義幾亡故不可以無

辨

凱風

序說美孝子也衛之淫風流行雖有七子之母猶不能安其室故美七子能盡孝道以慰其母心而成其志朱子曰此乃七子自責之辭非美七子之作也今玩詩

意朱子辨說善矣。解詳本傳。

鄭譜孔氏疏以此篇爲州吁時詩。今自凱風至靜女十一篇。時世並闕。之說詳詩次問。蓋凡詩義分兩端。其必待時世名氏而明者。舊解可從。則從之。否則。或旁采他說。所以存經義也。如周南關雎爲單卷耳等篇。必知爲文王后妃之詩。而後二南之義可解。衛柏舟綠衣等篇。必知爲莊姜之詩。而後衛風之義可解。餘詩並從此例。至其詩不待時世名氏而明。則闕之。如凱風以下關愚詩其時世之類。表唯用此例。故其立義與鄭譜不同焉。

序說刺衛宣公也。淫亂不恤國事，軍旅數起，大夫久役，男女怨憤，國人患之，而作是詩。朱子曰：「未有以見其爲宣公之時，與淫亂不恤國事之意。」集傳：「婦人以其君子從役於外，云云。」今按序說曲解如此。朱子譏之是也。但玩篇末有諷其君子歸隱之志，不但以其從役在外而思之也。朱子傳解未及，故今補之。

詩二章曰：「展矣君子，展誠也。猶言實也。」或曰：「展者，美其君子之辭，然恐不可通，故闕之。」

匏有苦葉

序說刺衛宣公也。公與夫人並爲淫亂。朱子曰。未有以見其爲刺宣公夫人之詩。集傳此刺淫亂之辭。今按朱子辨說善矣。但序所謂刺淫亂者。亦嫌與詩意不切。朱子集傳尚未改正。故今增定其義。考論語荷蕢引首章言君子出處之道。雖古人賦詩。雖章節取。必用論語義解此篇。尤明白有意味。詳見本傳。

此篇全體皆比。情景可思。首章深屬淺揭。以人渡也。次章濟盈。濡軌。以車渡也。末章招招舟子。以舟渡也。有鸛雉鳴。雝雝鳴鴈。則鳴匪一鳥矣。雉鳴求牡。物求

偶也。毛傳曰。飛曰雌雉。走曰牝牡。故以雌雉求牡爲
非其類。義本爾雅。孔氏曰。此其定例耳。若散則
通。故尚書曰。牝牡之晨。左傳曰。獲其雄狐是也。
按孔氏此說。或據左傳。尚書疑毛傳說者非。士如
歸妻。人求偶也。篇內情景互出。然惟兩義相引而不
相亂。說見本傳。若作刺淫亂之辭。而以三章爲正旨。
詩意便覺錯雜矣。讀者詳之。

旄邱

朱子辨說。引陳氏曰。宣公後百餘年。衛穆公時。晉滅赤
狄潞氏。數之以其奪黎氏地。然則此其穆公之詩乎。安
成劉氏曰。上篇黎侯臣子。有勸歸之醴。此時黎之宗社

疑未滅也。豈其後黎再復國。至衛穆公時。方爲未狄所滅與。此詩雖未見其必作於衛宣之時。亦未必作於衛穆時也。今按劉氏說得之。蓋衛凱風以下。時世從闕。說已見前。但此篇既次宣公詩。新臺乘舟之前。云穆公時詩者。固非義也。

北門

序說刺仕不得志也。言衛之忠臣不得其志。爾今按安成劉氏曰。朱子集傳以此詩賢者自作。與序意亦微不合。今從朱子。詳見本傳。

北風

序說刺虐也。衛國竝爲威虐，百姓不親，莫不相攜持而去焉。朱子曰：衛以淫亂亡國，未聞其有威虐之政。如序所云者，此恐非是。今解竝從朱子。詳見本傳。

靜女

序說刺時也。毛傳：鄭氏箋，大意謂陳靜女之德，以刺時。朱子集傳：此淫奔期會之詩也。今按詩首章曰：靜女其姝，俟我於城隅。二章曰：靜女其變，照我彤管。三章曰：自牧歸荑，洵美且異。天下豈有貞靜守禮之女子，而肯俟

人於城隅且以物相贈遺使人說憚其美如此者乎日
靜女者亦其人私相愛慕之辭耳朱子不從序說作淫
奔之詩得其義矣

右篇上

桑中

序說刺奔也朱子曰此詩乃淫奔者所自作序以爲刺
奔誤矣今按此篇說已見前總義

朱子辨說論鄆衛之樂與桑間濮上之音云鄆者猶
衣以下二十一篇衛者邶鄆衛三十九篇桑間桑中

一篇愚按聲詩之義先儒嘗論之。

升庵楊氏嘗辨注聲注詩之義謂聲

之聲而亡節者爲注聲言涉于男女之私者爲注詩

蓋聲以音節言詩以文辭

言。鄭衛詩如柏舟淇澳羔裘女日鷄鳴之類其辭本

未嘗淫然以鄭衛人歌之則其聲亦淫近世梨園歌

曲辭不皆淫而其聲則淫其所以爲淫也此其病在音節

而不在文辭故夫子欲放而絕之非謂并其詩放之

也但聲音之道與人心風俗相表裏人心風俗旣淫

則其聲與詩必多出於淫者故唯鄭聲最淫亦惟鄭

國注詩最多耳以此推之所謂鄭衛之樂者恐亦非

但指此數十篇詩辭而言。至于桑間濮上。記傳商紂靡靡之樂。見禮記鄭氏註。則固非桑中一篇之謂。其說已有徵驗矣。

定之方中

詩三章曰。匪直也人。毛傳曰。非徒庸君。朱子集傳。非獨此人云云。按此則直字當作但義解矣。故特補之。

千旄

周禮九旗。無旄名。首章千旄。蓋卽謂旗旌千首之旄也。但此衛大夫乘車見賢。旗旌並建。義未有考。今按周禮

司常云。國大國。州里建旗。會同賓客如之。註云。州里。鄉
遷之官。州長中大夫。里宰。下士。大司馬仲秋治兵。又云。
百官載旗。以此推之。凡天子之百官卿大夫士。大國治
兵。會同賓客。並得載旗。則諸侯之大夫。見賓客時。或亦
當載旗矣。孔氏類達泥。周禮州里建旗之說。疑諸侯之
州長里宰皆士官。恐此篇所云。非大夫所建。
然錄用禮說。建旗非一官。又禮文不具。未
可詳考。學者當會通其義。不可偏執也。孟子曰。招大

夫以旌。大夫既招以旌。或亦當建旌矣。禮文殘闕。姑依
詩義存其說。以備一端。或又謂首章千旌。末章千旌。皆
謂旗也。旗上有旌。旗。朱氏僂善說。見本傳。鄭氏屬記註
亦云。旌。總名。則凡旗設旌者。皆謂之旌。蓋亦旗。

之通。第三句首章云。批求章云。祝。皆謂組也。篇中文義各耳。

一例皆互文耳。此大夫見賢時。但建旗而不建旌。說亦可通。宜並存之。

右衛中

考槃

序說。刺莊公也。不能繼先公之業。使賢者退而窮處。朱子曰。此爲美賢者窮處而能安其樂之詩。詩文未有見樂於君之意。則亦不得爲刺莊公矣。序蓋失之。今按篇中未有刺其君意。朱子辨說信矣。蓋此詩時世閔之。詳

詩次問。

詩二章曰考槃在阿。碩人之邁。朱子集傳。趙義未詳。
今按。趙韓詩作偲。美貌。近日廖氏百子疑。偲義非是。
然說見註疏。陸德明釋文。或亦可從。又與阿義略有
關應。故附存之。

氓

序說。刺時也。宣公之時。禮義消亡。淫風大行。男女無別。
遂相奔誘。華落色衰。復相棄背。或乃困而自悔。喪其妃。
耦。故序其事。以風焉。美反正。刺淫佚也。朱子曰。此非刺

詩宣公未有考。序其事以下亦非是其日美反正者尤
無理。今按此篇朱子辨說明白。傳解亦極清切。今詳本
傳。但序必爲此曲說者亦以此等詩離其人既可賤鄙
其事又甚狼戾。聖人乃不刪而著之於經。故曰刺時。曰
美反正。使之道理正大。然有關係。以附會聖經垂訓之
旨耳。然其害義爲已大矣。說見前總辨。

竹竿

序說衛女思歸也。適異國而不見答。思而能以禮者也。
朱子曰。未見不見答之意。集傳。衛女嫁於諸侯。思歸寧。

而不可得故作此詩。今按此篇從朱子傳解詳見本傳。或謂婦人以夫家爲歸。衛女既嫁異國而反思衛之樂。蓋不得其所故也。此雖不言其夫之不見答而其情可知。平谷嚴氏說。然依此解則凡衛女思歸者皆不得於其夫者矣。前泉水篇序說何以不及此乎。此皆後儒曲從小序之過不足取也。

芄蒨

序說刺惠公也。時而無禮大夫刺之。朱子曰此詩不可考。當問今按惠公雖幼亦一國之君。詩人何得以童子

呼之妻其無禮甚矣。朱子創其說是也。但集傳義從周
万氏應龍云。此詩與甫田之刺相似。故采其意酌補之。
詳見本傳。

有狐

序說刺時也。衛之男女失時。喪其妃耦。焉朱子集傳。國
亂民散。喪其妃耦。有寡婦見經夫而欲嫁之。故托言有
狐云云。今按序意。謂國人作此詩刺時。朱子云寡婦自
作。其說不同。今從朱子。詳見前代篇。

木瓜

序說美齊桓公也。朱子集傳疑亦男女贈答之辭。如靜女之類。今按春秋傳稱齊桓封衛楚邱之事。其功大矣。今詩但以木瓜之投比之。辭意豈相稱乎。安成劉氏論之詳矣。劉氏曰。齊桓封衛。天地再造之德也。今如序說。僅比於草木之實。而衛人之報者未見。乃述自擬以重寶。尚為知恩也哉。序說非詩意矣。又如序說。此篇即當與前定之方

中載馳諸篇同大。乃分卷隔絕。不相聯屬。義無取耳。近

代學者旁撓曲引。必欲強而從之。謬也。

江野呂氏引左傳及孔叢子云。

晉韓起聘衛。北宮文子賦淇澳。起答以此詩。是亦以德報德也。孔子亦曰。吾于木瓜見苞苴之禮行。豈特男女贈答之辭哉。左傳云云。附見後引。詩錄孔叢傳說辨同前柏舟篇。或者又疑篇中不見

男女之意欲泛作尋常贈報之辭詩意益無著落矣

韓氏說雙湖胡氏又據王氏詩考云賈誼謂木瓜故今下報上也此蓋本於三家之論其失與韓氏略同

從朱子傳解此篇以前篇有孤詩意比之復斷以衛風終于注詩之義朱子傳解益信詳見詩次

問

右衛下

王

先儒謂王風不入雅亦其體有辨如東萊呂氏華谷嚴氏說分別則風二雅

皆以詩之體格辨之愚意其說不盡然蓋雅詩之正者如大雅文

王大明餘以下小雅鹿鳴楚茨以下信與國風不同體

矣。他如小雅刺宣幽詩所父黃鳥。我行其野。谷風無將。
大車之肩。頗與國風體格相類。而小雅末三篇尤爲近。
風。假如取此等詩。雜之國風中。其體果有辨乎。抑無辨
乎。蓋雅有盛衰。衰則變而近於風。又衰則降同於風。此
升降自然之理。固當日事勢遞流使然耳。王雅分別義只此已明。
商周頌體簡質。而魯頌有異。亦衰世之意也。然則王雅
之分。當以其義爲辨。豈但肩肩於體製異同之間哉。

先儒又謂風雅音節有辨。故王自爲王雅。自爲雅。如夾
氏分別三百篇專主聲今按雅樂之傳其亡已久。但以
音爲言。說見後小雅。

其義考之。謂之有辨者。亦據其正。

正風者言之耳。若樂

雅多衰世刺議之辭。當時作者。固未敢顯布於人。後世

周室子孫。亦必無有用其詩於朝會燕饗樂歌。以彰先

王之惡者。其衰世國風亦然。

說並已見詩大問。

夫其詩既非樂

章所用。果何從辨其音節之異同乎。卽謂篇皆可歌。然

非樂章所用。固當以其義爲重。而聲音之道爲輕矣。况

雅詩內近風者。

說見上。

安知其音節不亦近於風乎。愚謂

聲音之說。祇居一端。亦未可以辨王雅分別之大義也。

或又謂雅詩多朝會燕饗樂章。及公卿大臣規諫獻納

之作東遷以後朝廷既無制作公卿又無獻納故雅詩

遂亡獨有民俗歌謠其體製音節與列國之風同也宣

陳氏今按朱子語類亦云雅為士大夫所作風多出於

在下之人但考雅詩變者所父已下其為在下人所作

亦間有之如黃鳥我行其野之類固不盡出於公卿大夫也國風

亦多卿大夫之作如斯風作於周公魯公子素作清人周南關雎或曰畢公作王風黍離亦

作于周大夫此條說亦未足以明王雅分別之義也

或又謂左傳襄二十九年季札觀樂於魯已為之歌王

矣孔子至哀十一年始自衛返魯正樂雅頌得所則降

王於國風非孔子也。

王氏伯厚說

今按周衰天子之權下移

故孔子以前錄詩者或以王國之風與諸侯並稱。王降國風非必自孔子始也。說已詳詩次問。左氏季札觀樂篇辨見後引詩錄。

君子于役

序說刺平王也。君子行役無期度。大夫思其危難以風焉。孔氏疏謂在家之大夫思君子僚友在外之危難也。朱子曰。此國人行役而室家念之之辭。序說誤矣。今按詩曰。鷄棲于埘。日之夕矣。羊牛下來。玩此語意。乃宛然

室家念其君子之情云僚友則失之。朱子辨說是也。但
朱子此云國人行役集傳又曰。大夫久役於外云云。二
者不同。今從集傳義。

君子陽陽

序說閨周也。君子遭亂相招爲祿仕。全身遠害而已。鄭
氏箋君子祿仕在樂官。招我欲使我從之於房中。俱在
樂官也。朱子集傳此篇疑亦前篇婦人所作。又云。或曰
序說亦通。宜更詳之。今按此篇詩意。猶衛風備兮也。序
說鄭氏箋解明白清切。又以前後篇聖人編次之義合

之當以朱子集傳後說爲正詳見詩次同及本傳

中谷有蕓

詩二章曰遇人之不淑矣毛傳君子於已不善也今從毛傳義說見本傳

兔爰

序說閔周也桓王失信諸侯背叛構怨連禍王師傷敗君子不樂其生焉朱子曰君子不樂其生一句得之餘皆衍說其指桓王蓋據春秋傳鄭伯不朝王以諸侯伐鄭鄭伯禦之王卒大敗祝聃射王中肩之事然未有以

見此詩之爲是而作也。今按此篇時世開之。說詳詩次問。又其詩曰。逢此百罹。逢此百憂。逢此百凶。恐亦非但指王師傷敗一事言也。今解詳本傳。

葛藟

序說王族刺平王也。周室道衰。棄其九族焉。朱子曰。序說未有據。詩意亦不類。集傳世衰民散。有去其鄉里家族而流離失所者。作此詩。今按詩意。朱子傳解明白。清切。舊說不足據也。

采芣

詩經

卷之五 詩經

葛藟

序說懼讒也。

毛鄭氏舊解謂人臣以出使懼讒采芻豢人臣小事出使采蕭芻大事出使采芻豢

急事出使如采支蔭穿鑿之論不通甚矣

朱子曰此注奔之詩其篇與大車

相屬其事與采芻采麥采葑相似其辭與鄒子衿正同序說誤矣今按朱子本篇傳解既明白清切復斷以前後篇之意曰其篇與大車相屬云云此所謂以聖人編次之義而斷本篇詩意者其說不可易也。

黃氏東發曰詩傳折衷載晦菴新說以采芻比聽讒

晉風采芻之詩亦以比聽讒此說近人情而不反古矣愚考采芻刺聽讒詩中明言及之與此篇不同折

衷云云蓋朱子未定之舊解未可據以駁傳義也至
小序近出漢代先儒固嘗言之說見前義後世學者乃以
易序爲反古則又拘泥不通之論耳

大車

序說刺周大夫也禮義陵遲男女淫奔故陳古以刺今
大夫不能聽男女之訟焉朱子曰非刺大夫之詩乃畏
大夫之詩集傳周衰大夫猶有能以刑政治其私邑者
故淫奔者畏而歌之如此今按序說云陳古刺今豈謂
衰世卽不當有此賢大夫耶說大拘而無理矣朱子辨

論已明今竊疑集傳說爲正。

邱中有廡

序說思賢也。莊王不明賢人放逐國人思之而作是詩也。朱子曰此亦淫奔者之辭其篇上屬大車而語意不莊非望賢之意序亦誤矣。今按詩曰將其來施施將其來食所謂語意不莊非望賢之意者朱子說不可易也。至云其篇上屬大車說已見上。愚詩大解曰中谷有蓷葛藟皆國人自傷離散之詩乃兗爰一篇次其間雖有閔亂之君子亦無如之何矣采芣邱中有藟皆淫奔之詩乃大車一篇次其間雖有善止奔之大夫而不能化亦無如之何矣以此數篇詩次之義盡之朱子傳解益信

詩首章曰彼雷子嗟。一章曰彼雷子國。毛傳雷氏子。嗟字又曰子國。子嗟父黃氏東發曰。古以雷爲氏。或以爲滯雷之雷。合兩存之以俟知者。今按毛傳說無考。但據本篇詩意。依朱子作滯雷之雷。於理爲勝。蓋以雷爲氏。故雷子嗟。彼雷子國。二語。但目其人而絕無他義。下文又重言之。豈成文理耶。且上兩章子嗟子國。並舉姓字。末章曰彼雷之子。又唯言姓而不及字。語意皆不類舊解。不足取也。